

## Uunnga

allannguutissatut siunnersuut

**Kalaallit ilinniagaqartut, ilinniarnissartik siunertaralugu nunanut allanut nuukkallarsimasut Inatsisartunut qinersinerni qinerseqataasalernissaasa sulissutigingasuarmissaat pillugu Naalakkersuisut peqquneqarnissaannik Inatsisartut aalajangiiffigisassaattut siunnersuummut**

Aappassaaneerinninnermi Naalakkersuisunit saqqummiunneqarpoq.

Inatsisartut suleriaasianni § 34, imm. 2 naapertorlugu matumuuna Naalakkersuisut aalajangiiffigisassatut siunnersuummut allannguutissatut siunnersuuteqarput, taaamaalilluni ullormut oqaluuserisassani immikkoortup qulequtaa/taasissutigineqartussa q imatut oqaasertaqalissalluni:

”Kalaallit ilinniagaqartut, ilinniarnissartik siunertaralugu nunanut allanut nuukkallarsimasut Inatsisartunut qinersinerni qinerseqataasartut amerlanerulernissaasa sulissutigineqarnissaa pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut”

Allannguutissatut siunnersuummi siunertarineqarpoq taasissutigineqartussamik erseqqissaanissaq aamma taasissutigineqartussap kalaallisut danskisullu oqaasertalerneqarnerisa imminnut naapertuuttunngortinneqarnissaat.